

門前殪其先登。長政賜賞帖。後有故殺山下某者。而行上途。反裝其衣。追者物色。終莫之獲。赴山本邑。依阿間淡路守義秀。天正元年癸酉。義秀二僕比周。方命請公誅之。直往駢殺。義秀敬重焉。既而義秀嬖奴倨傲陵人。公怒斬之。去之高島小川邑主磯野丹波守員昌。引爲客。給祿八十石。八月小谷城陷。淺井氏亡。白雲公歸隱于本邑。邑有白雲山。因自號白雲居士。二年甲戌三月。織田公姪七兵衛尉信澄。因質于小川。遂繼磯野氏。公仍仕焉。三年乙亥。信澄與明智光秀西略丹波。攻小山城。公先登。獲甲首。及攻叻井。

城。又先登。獲二級。信澄解佩刀賞之。及歸爲保侶。隊祿僅八十石。不能畜戰馬。遂辭而行。四年丙子。委質于木下美濃守秀長。食祿三百石。改字。與右衛門美濃守羽柴公秀吉異父弟也。五年丁丑十月。羽柴公自長濱移封播磨。公從徙焉。先是織田公經略中原。興隆皇室。天子嘉其功。陞內大臣。城于安土。移居焉。霸勢日盛。因命羽柴公略山陽山陰。六年戊寅三月。攻三木城。主別所長治。七年己卯二月。長治使叔父賀相出戰。公從美濃守在前鋒。躍馬挺進。殪其最先者。遂大破之。賀相脫走入城。八年庚辰。正

月六日敵將賀古六郎右衛門乘曉霧斫營不克而退公馳逐呼曰壯士盍反賀古按轡以待奮戰三四合下馬捨槍相搏起仆數回卒按住割首公馬逸入城遂騎賀古馬而還羽柴公大喜召見曰汝拔其柱石城破在旦夕威名由是始顯公所獲馬長四尺六寸純黑而駿呼為賀古驪好常騎之十七日城遂陷長治自盡五月羽柴公徇但馬攻山名祐豐滅之美濃守封為但馬國主公從徒焉九年辛巳公伐土寇至大屋邑寓于土豪櫛尾加賀祐善宅賊勢猖獗屢攻不利嘗收兵而退馬躓墮溝中賊兵攢刺戰袍五

裂殆不免櫛尾源左衛門善次力鬪救之斬一敵將公奮起擊賊破之居相孫作政貞獲其魁富安丹後賊鋒始衰又夜往覘賊壘邏卒聞足音隔籬槍之中股公以衣袖拭過賊見其鋒不血謂非人舍之公遂入壘巡視將去大呼有二賊奮刀而出公直斬之政貞又殪其一而歸一日昧爽賊悉衆來襲公開門突出擊而破之獲賊首爪原新左衛門餘黨潰散國中遂平但馬侯賜賞帖益祿三千石擢為銃將於是娶一色修理大夫某女修理足利氏支屬為丹後國主失封居近邑祐善為媒成禮其家是為久芳夫人六

月羽柴公遂圖毛利氏。攻因幡鳥取城。十月拔之。公從但馬侯。亟效戰功。十年壬午三月。攻備中冠山城。公先登。獲一甲士。羽柴公悅。脫猩絨戰袍賜焉。四月。攻高松城。引水灌之。城將出兵。決堤。但馬侯將往。毆之。公不暇。擐甲飛馬出營。部兵競從。擊之。敵不能決而走。六月。城遂陷。會明智光秀反。弒右大臣織田公。于京師。羽柴公與毛利氏行成。反旆討之。十三日。大戰于山崎。公先登。獲級。賊退保勝龍寺。外弟新七郎良勝進攻有功。時年十八。光秀敗走。伏誅。十一年癸未正月。但馬侯督軍入伊勢。伐瀧川一益。降峯城。及

龜山公皆有功。四月二十日。羽柴公與越前柴田修理亮勝家大戰于志津嶽下。但馬侯為先鋒。夜參半。越前先鋒佐久間盛政引兵憑山。公乘其未備。急進。馬標叢。銃射之。乘煙跳身突戰。被創幾殆。家臣渡邊金六宗來援。刺敵良勝亦斬一騎將。遂挫敵鋒。得要地。以制敵。羽柴公賞賜祿千石。但馬侯亦加三百石。是戰也。羽柴公親兵所謂七槍者。各賜五千石。特與賞帖。旌之。如公之方略力戰。不在七槍之下。羽柴公專夸麾下之勇。不甚稱公之勲。故亦不甚顯云。按其攘敵得。要地。以制之。猶山崎之戰。堀尾帶刀先占據。天王山也。相傳羽柴公論功。七槍為最。自餘將士雖有所

敢言不柴田氏亡北地悉平羽柴公霸就自近衛少將
遷參議大城大阪徙治焉是歲妙清太夫人卒十二
年甲申三月羽柴公與尾張國主織田信雄有隙帥
師入伊勢攻松島城公奪門先登獲甲首但馬侯解
佩刀賞之及有小牧長湫之役公率私兵從軍屢戰
有功十月但馬侯移封紀伊併有和泉治和歌山公
從徙焉十一月羽柴公進大納言十三年乙酉三月
陞內大臣是月內大臣親將伐根來寺滅之時紀土
寇乘亂煽動紀侯親將伐之公為先鋒所嚮無前長
驅至熊野土寇皆降五月紀侯及近江三好孫七郎

秀次分督諸軍伐土佐長曾我部宮內少輔元親元
親累殪故家併吞南海四國內大臣招諭負險不服
紀侯入阿波攻木津城守甚固公說城將降之進攻
一宮城公夜潛臨城濠伺敵形勢中銃仆地甲堅不
入服部竹助保久扶而還敵將橫山隼人追至槍胸
公奮戰益烈敵敗而退公歸營解甲則鉛丸從襟墜
胸間紅腫大五寸許紀侯解鎧賜焉圍攻日急城不
能支公因說守將谷忠兵衛降之時諸侯師亦皆累
捷豫讚諸城望風而潰於是諭忠兵衛誘降元親信
義切至元親遂就公請降納子為質四國平定內大

臣賜賞帖。七月內大臣為關白。八月紀侯益封大和。徙治郡山。十月元親朝大阪。公為左右之遣。其任子從歸時紀。餘寇復起。公往勦。曰此行當覆巢穴。以殄根種。與賊魁湯川直晴戰于雜賀。及粉川敗而降之。有山本主膳者。閉壁堅守。公以計誘致而誅之。賊黨悉平。大和侯加賜采地五千四百石。通前萬石。賞南海之功也。十四年丙戌十月。東照太神君自濱松入朝京師。會關白修好。關白大悅。為起第于聚樂。關白建廳事。大和侯造竈廈及前門。公承關白命。監工。於是被太神君之眷顧殊厚。因為建廚前外門。

太神君賜書及寶刀。謝之。異日風雲之會。實基于此。十二月。關白任太政大臣。賜姓豐臣朝臣。太神君移治駿府。十五年丁亥。三月。關白奉詔親帥諸侯討薩摩。島津修理大夫義久。前軍宮部中務卿法印繼潤。進次日。向日白。十七日夜。島津忠恆將騎卒一萬五千來襲。薩人驍獷。破柵猛進。銳不可當。大和侯營距可一里。聞警欲赴援。護軍尾藤知定固止之。公在先鋒。奮曰。我坐視前軍之敗而不救之。即生何以見人乎。提其甲數百。破圍而入。行大呼曰。大和中納言。大軍將來。先鋒藤堂某先至。公身長六尺二寸。唐

冠樣大兜鍪跨賀古驪叱咤風生敵軍披靡遂激繼
潤開門衝突良勝連獲三級衆皆殊死戰小早川左
衛門佐隆景黑田勘解由次官孝高繼至夾擊薩人
敗走是日徵公全軍屠滅矣繼潤深謝再造之恩具
狀申報關白稱其豪武神速擊節嘆賞太神君亦
賜驪馬以賞之四月攻岩石城良勝有功既而西諸
侯皆歸順五月義久就大和侯請降西海悉平公承
關白命巡檢長崎地方禁耶蘇教放逐西洋人八月
大和侯任大納言公敏正五位下稱佐渡守九月故
越前國主丹羽長秀庶子仙丸以關白命來爲義子

年甫十歲初關白欲與丹羽氏爲親使大和侯養仙
丸爲子長秀卒嗣主長重坐事削封於是欲改以外
姪秀保爲大和侯世子因諭公爲子公時未及彊仕
辭曰臣齒尚壯安知其不得舉子敢請讓之他家關
白曰非必使爲嗣也特一時權宜耳異日之事從汝
所欲可也乃受之名曰高吉以蔭至從五位下宮內
少輔是月大和侯加賜一萬石爲粉川邑主賞目白
之功也十六年戊子二月時有畿甸劫帥稱日本左
衛門者公捕而致之於京師關白賜書賞之五月承
關白命再赴長崎立制布令蠲免地租許容蠻船遂

為要津。十八年庚寅三月。關白奉詔親將討相模。北條左京大夫氏政。大和侯留守焉。公以私兵從征。四月三日。攻菰山城。公先登。入郭。良勝等挺戰顯功。七月。氏政降。賜死。梟首。北條氏亡。太神君奄有其土。自駿府徙江戶。關白遂入奧。東陸悉平。十九年辛卯。正月。大和。大納言秀長薨。廟曰大光院。世子秀保襲封。任中納言。公受遺託。輔弼大光公。為人溫恭。有長者之風。關白用法過嚴。每以寬仁救之。諸侯倚賴焉。今其享壽考。以彌縫邦家。則豐臣氏之祚未必斬焉。覆滅命矣。夫十二月。關白告老。稱太閤。義子中納

言秀次。進內大臣。襲關白。然軍國機務。太閤皆躬處。決關白無所預焉。太閤以天下既定。欲西征。取明。檄朝鮮為先驅。嫚不應命。於是先遣諸將伐之。文祿元年壬辰三月。公佐大和侯從衛。筑紫行營。屢獻書報軍狀。關白大悅。四月。我師抵釜山浦。州縣皆望風降。潰。朝鮮王李昭棄都。宵遁。告急于明。七月。明主朱翊鈞遣兵來援。我師邀擊。殲之。總兵祖承訓僅脫。時公奉太閤命。攝師渡海。同南海諸侯為水軍先鋒。擊敗海軍。多獲敵船。二年癸巳正月。我師大破明師于碧蹄館。斬首萬餘。總兵李如松走免。六月。拔晉州城。以

其久不降。盡屠之。軍民死者六萬餘人。公與有功。高
吉時年纔十五。勇戰冠軍。人呼爲小藤堂。碧蹄之敗。
明人畏怖。議和。至是成。十一月。公至自朝鮮。三年。甲
午。十月。太閤賜伊勢。今井鄉千石地。蓋賞海戰之勲。
也是歲。太閤徙居伏見城。四年。乙未。四月。大和中。納
言秀保暴薨。無嗣。封除公哀付託。不效。不勝痛悼。薙
髮。隱于高野山。太閤遣人說起之。辭曰。臣懷先主恩
眷。無復念于世。將欲歸空門。爲先主薦福。已。太閤再
遣生駒雅樂頭親正。諭以大義。公終不得辭。六月。十
九日。從雅樂詣伏見城。謁見。尋封伊豫守和島七萬

石。公既就封。改字和島。曰板島。時年四十歲。初公遁世。諭諸臣。宦
遊他方。然衆竊相謂曰。吾公之才略。太閤其舍諸。皆
不肯離散。棲息紀和間。白雲公及高吉尚留在粉川。
公在高野。凡五旬餘。至是多士雲集。奉白雲公就封。
儀衛騎從甚盛。七月。關白秀次有罪。太閤奏削官爵。
賜死梟首。及其二兒愛姬二十餘人。慶長元年丙申。
九月。朝鮮和議破。再伐之。是歲。太神君陞內大臣。
二年。丁酉。七月。公復督水軍入朝鮮。略沿海郡邑。十
五日夜。公及諸侯襲閑山島。拔之時。巨濟統制使元
均大聚戰艦。以絕我糧道。公遣人覘其巢窟。夜參半。

號砲三響。公快舸急赴。則良勝及箕浦作兵衛忠光。各獲敵船。而回餘舟。焚棄云。時已黎明。元均率數百艘。移據海門。我兵進。競擊高刑等。各有斬獲。高刑公甥。稱仁右衛門。時年十六。公臨發。馳使告軍監。使進軍。加藤左馬助嘉明後而至。親獲二艘。敵有巨艦如城者。連發矢砲。杉谷忠右衛門惟之。單舸挺進。以鐵搭勾之。長田三郎兵衛惟氏。就勢騰上。直斬其將。餘兵匿船底。盡屠之。諸侯兵乘勝競集。各欲建其旗。惟氏大聲呼曰。此是藤堂軍所取。何得奪功。石加藤氏所投旗竿。建我旗表之。惟之惟氏。竝佐伯權佐。惟定家兵。獲敵船一

百六十餘隻。斬首數千級。溺死無算。元均以身遁。開山在朝鮮。南海口。右障南原。為全羅外藩。此地失守。則沿海無備。於是舟路始開。我軍往來無虞。實公之力也。諸侯論功。左馬自稱第一。且以親獲。誇公弗許。松浦式部卿法印鎮信判曰。板島將士。夜間奪哨船。最先。又獲大艦。斬其將帥。諸公雖有功。孰出於其右哉。且士卒之力。即主將之功。何必在其親獲乎。諸侯皆首肯。左馬尚怒。爭監軍福原長堯。熊谷直盛等七人。作券連署。證公之為最。附以書牘。稱公為國家。忍氣不較。太閤所賜賞帖。太神君及淺野彈正少弼

長政等書亦皆稱其為頭功。冊府具存事狀炳焉。野史失考，不甚稱公之功。且為文祿初年事，謬矣。八月，公及諸侯圍南原。十五日夜，箕浦忠光以火箭燒樓櫓。我軍因先登焉。城遂陷。麾下斬級二百六十九。磯崎式部家信獲朱衣將高刑良勝、忠光、藤島與左衛門。各獲三級。渡邊宗居相新之丞，陣亡。太閤遣使賞賜。二十六日，公拔熊川水營。公連中矢石，殷血染鎧，不以為意。益奮督戰。監軍毛利友重欲跳入敵船，失踏而溺。我士長井勘解由氏勝、今井孫八郎忠重等攘敵，救免戰。自辰至酉，斬馘三百八十餘。敵舟乘潮

遁。小野正兵衛元成百百宅藏直光陣亡。公遂入忠清道，累破諸壘，築城于安骨浦。使長曾我部元親守焉。三年戊戌正月四日，公及諸侯赴援，破明師於蔚山城下。時加藤主計頭清正、淺野右京大夫幸長為明將楊鎬、麻貴所圍。經冬及春，糧竭大困。然堅守不屈。敵聞諸侯大至，震怖軍亂。鎬棄師宵遁。諸侯進攻城中，亦鼓譟而出。中外合勢，聲震天地。僵尸枕藉，原野朱殷。貴僅以身脫。是日高吉首以銃手進，舞槍奮鬪。諸侯壯之。太閤下書，公及高吉賜時衣戰袍各一領，以酬其勞。自西征事起，七年于茲。太閤頗勸兵留